

趙叔娟珍藏



向湖刺舍詩初集卷十

劍川 趙 藩



甲申

具思次昆明晤子材萃生謙山同過蓮花寺晚飲萃生

天世齋中

漂流萍梗判西東又共芒屨踏梵宮寒色上衣湖水碧

春愁消酒夜鐙紅悲歡各有三年事浩蕩都歸一笑空

只我思家勞遠夢萬山西去度松風

大笑與子材夜話百感交集偶成四首



大笑當頭海月生照人肝膽共分明別離五載愁難寫  
落拓同時宦未成先務誰知文獻重續修省志之  
議自君發之餘氛  
猶聽鼓鼙驚宵闌話到無言處匣劍何知偶一鳴  
喋喋伊誰論謬悠何曾毀譽定恩仇海門浮玉原孤立  
天外滇池竟倒流志士獨揮千古淚腐儒方計一身謀  
眞思衢巷傷心語莫直如弮曲似鉤  
東施何必遜西施幻影其如寶鏡知自古同傷銷骨毀  
凡今誰許抗顏師命宮磨蝎神仙劫心地蜚蝗鬼魅吹  
纔有元規塵上惡素衣安見化爲緇

荆榛何礙蔽蘭荃訶壁無煩苦問天海內交遊二三子  
書中治亂五千年奇聞怪似蛇龍圖名士多於鮒可憐  
幾日從君開酒戒清聊中聖濁中賢

嵯屨寓齋海棠忽萎子曾兩見其著花矣不能無

情悼之以詩

落盡嶠山雪一堆年年風信自吹回問誰舊種樹無語  
感我重來花不開紅燭易乾思婦淚綠章虛乞放翁才  
蜂愁蝶怨春何處坐看孤根長碧落  
小窗抵易門日寄懷梅叔大令芝圃廣文



小雨風吹散夕陽紅半山草香胡蝶滿樹老鷓鴣斑冷

宦居無屋頽城暮不關巢林笑新燕春暎一飛還

百里賢人聚前緣未信慳朝天雙闕迴大令卓歸岫異北上

片雲閒廣文乞病家居酒釀花能醉詩劖石不頑龍泉愁再過

分派日潺潺

遊高真寺

高踞城巔俯四隅桃花開盡舊元都頽垣赤立悲餘燼

遠岫青排入畫圖落落仙姿松壽古蓬蓬春意草魂蘇

殘碑蘚蝕前朝字寺有明萬曆中碑我佛低眉一語無

大風哨屬易門縣

無風無雨春晝晴半開半落桃花明往來僕僕輿馬倦

高下層層坡隴橫入門席橐坐孤戍燒葉煎茶煩老兵

書牆亦擬記歲月黃泥剝盡青落生

小龍潭曉發屬安甯州

襖被輕裝起嚮晨遠煙漠漠細如塵出牆花妥紅生靨

吹水風回碧有鱗野色難描詩筆老邨沽能醉酒帘新

六年來去息息甚笑問青山可笑人

昆明舉人段榮詔癸未會試歸家其父桐軒廣文



已前碎榮詔拊棺辟踊一慟而絕妻范氏亦吞

金環殉之得旌如例施聚五孝廉有奎爲立

傳而藩系之以詩

兒兮佳兒婦佳婦兒偕計車婦侍舅兒歸父歿兒摧傷  
婦亦殉夫攜手行誓從地下見親面婦職調羹兒視膳  
兒死有兄家可爲婦生無子心何戀毀防滅性兒亦知  
積哀所迫中難持女子從夫志夫志婦兮佳婦兒佳兒  
鄰里咨嗟豔稱說那識九原心痛絕何知爲孝何知烈  
吁嗟乎孝子烈婦繁何人曰段曰范家昆明光緒癸未

朝廷旌

同子材伯瞻赴馮月軒比部桂芳之招歸過螺峯

晚眺有作

城中春不樂與客出城看野色收田舍閒愁避釣竿林  
花相媚媼江水自波瀾復此留沽酒杯行一飲乾

歸路醉能識螺峯登戒壇猶傳陰洞古下有老蛟蟠今  
日天吳橫誰知佛力難晚來風颯颯松柏鬱愁歎

金仲鶴齋尹樞招同西農別駕翠海晚酌

市聲何擾擾到此靜無聞物色饒花架樓臺半水雲邊



烽傳象郡苦戰惜鴉軍猶有銜杯地因之一醉醺

顧橫波墨蘭卷伯瞻所藏

花花葉葉香風起春愁綠漲秦淮水麝墨書名仿洛神  
猩紅小印鈐眉子眉子聰明滌冰雪眉樓占斷江南月  
迎歸桃葉詠橫波夫婿何人亦殊絕朝回弱翰看閒弄  
纖腕尙嫌湘管重楚江有夢擷芳馨空谷無心爭法供  
此圖寫出戊寅春七年滄海揚埃塵花枝豈解興亡恨  
煙嘯露泣微含顰含顰含笑都難寫一代風流更儒雅  
石城甘誦褚湘生臨邛怯守文君寡同心只願花常開

花開又落蕪蒼浩流傳奈此舊楮墨品題苦情當時才  
才人一樣虞山叟姊妹魂銷白門柳蘭枯柳折徒區區  
荆棘銅駝怕回首

昆明春感二首

九十日春春過半勞人役役總他鄉鶯聲且覓雙柑聽  
虎氣甘隨一劍藏大廈能搢非獨木沈疴儻起定奇方  
斧柯未爛收棊子試問仙家有底忙

文杏梁高燕燕棲珠簾宰地羨雙飛入春風雨狂飄瓦  
一日陰晴怯試衣黃紙除書慚薦牘綠波如畫夢漁磯



英雄只有虞家婿馬上功成畫錦歸

海棠萎而復活春晚始開數花子材貽詩歸美草

此荅之

疏疏蓓蕾映朝暎生意潛回老樹根沈醉久陪金母宴  
矇矓初返玉妃魂攀多頗受鉛華累開晚猶承雨露恩  
一曲大招勞宋玉試燒紅燭與重論

贈聚五孝廉

九年相知不數見離緒滿懷難具論頗聞讀書坐穿榻  
有約攜琴來飲門高齋圖史古香豔小庭花藥春風溫

徑筌響足茗煙碧市聲牆外方喧喧

哀然箸錄已盈寸中有昔年貽我書古人可作通夢寐  
此事於今紛毀譽百家雜出眼電掃萬理羣匯心源虛  
虎頭食肉壯夫志咄哉吾輩箋蟲魚

更與春暮與子材西農硯臣豹君時過海心亭看魚小  
春光不飲酒後偶作

東風落盡閒桃李胡蝶團團飛不起滿湖新綠籠晴煙  
但見樓臺不見水湖心僧院開迴廊空明半畝如方塘  
青天澄水水一色遊魚蹙破青天光魚來喫餌喧波面



觀魚人作臨淵羨那知世有溟渤寬掉尾中宵作雷電  
闌干坐久僧鳴鐘映陔樓上疏鐙紅酒徒招邀迭賓主  
杖頭一擲干青銅高歌痛飲易消歇樓下棠梨亂吹雪  
春光不駐遊不常搔頭我亦生華髮古人秉燭良非癡  
更與湖隄踏明月  
高德  
以所著時文約刊見質書贈二  
時文亦驗士所學無那遷流百態新亂後科名得吾子  
國初樂瘦守先民千鈞手挽鐵同屈萬卷胸蟠筆有神

魚艇紛紛航斷港那知可海問通津

解元遲暮廣文貧獨處匏瓜悵影形時君抱騎省之戚采藥更

誰偕李白煎茶可要聘樵青琵琶腰鼓兼歌哭蹴鞠彈

碁亦性靈合對桃花菴主笑身前身後惜惺惺

陳若谷尚德墨竹爲西農題

午飲微酣擲酒杯誰持墨竹乞詩來清風滿榻拈毫起

一笑老夫懷抱開

自憐身比竹還瘦那得心同石共頑萬个濃青一拳翠

披圖忽地憶家山



人間俗要此君醫相對忘情別係思飢鳳不來芳歲暮  
空山風雪閉門時  
落拓布衣陳若谷風塵吏隱李西農詩名如我都無用  
只合看雲曳短筇

豹君自黔來留昆明者兩月始歸大理別後賦五

律四首寄之

中郎昔倒屣獨爲仲宣來我豈阿其好子能當此才精  
神文字接懷抱江山開徒步城南路過從日幾回  
謠詠蛾眉盛孤行不掉頭鸛雛飛嚇鼠虎子氣吞牛鼻

獨芝蘭合區趁膠漆投讀書貞道力感村在此游

意外此重聚分攜原意中餞花杯泛綠話茗燭燒紅跌

宕數君子

謂子材伯瞻西農硯臣諸君

佯狂一老翁

謂竹溪

相逢胡不

樂百歲劇恩恩

怯別終須別別來形影單出門仍獨返得句共誰看此  
去登靈鷲點蒼山一何時逐彩鸞君將殷勤故人意一

札盼平安

連雨旅懷二首

新綠殘紅有廢興盲風怪雨苦憑陵江湖水漲歸真樂



門巷泥深出未能，搢梳儘圍書四面。典衣多貰酒三升，  
僮飢求去空齋靜。自翦西窗半夜燈。

沙場立馬膽猶寒，韋曲看花興亦闌。白袷已非年少影，  
黃金豈有大還丹。愧人餘論芬牙齒，誤我新知託肺肝。  
夢裏爭教不相憶，蜻蛉艇子舊漁竿。

樂百閏五月八日偕黃詠芝

啟麟

子材西農仲鶴樂莘

集大觀樓分韻得妨字爲七古一章並寄豹君  
滇池萬頃吞天光，高樓突兀凌穹蒼。清晨買舟出西郭，  
白鷗飛盡蘋風涼。登樓不記歲幾度，懷抱一書神飛揚。

青鞵布襪有底急，世人大笑閒官忙。嗟余北歲窮殊方，  
送江入海浮重洋。蜃樓蛟市苦腥穢，寸土乾澇還思鄉。  
頗聞日南蛇豕張，紅河半壁開隄防。橫流勢欲匯滇澤，  
堅冰誰識憂履霜。濟時羣彥盛謀畫，罪言安用排天閭。  
以茲放浪恣遊戲，江山風月增吾狂。劉伶醉死藎亦得，  
屈平自好醒無妨。多情好事二三子，跌宕亦復爭軒昂。  
興來折柬招卽出，長鯨一吸空千觴。哀絲豪竹厭嘈晰，  
自擊唾壺歌慨慷。歌聲激水水波起，倒飛白雨吹衣裳。  
樓前雲霧倏開闔，西山紫翠銜斜陽。丹梯欲下重躑躅，



眼中百感來茫茫天公一日尙于變蒙顛段蹶真蝸蟻  
神仙可學學何益但見北海還栽桑浮沈大化一粟耳  
當前快意猶差強解人可索仗公等放歌更質瑯琊王

越南三宣提督劉淵亭鎮軍

永福

寄扇索詩

日南之邦古獻雉 聖代綏藩同一視島夷狡爾思啟  
疆塘突藩籬竄蛇豕黑雲壓陣鴉軍來喋血斑斑戰袍  
紫誓師傳檄氣噴薄鬼膽先寒鬼魄褫我不識君作何  
狀心知自是奇男子 廟堂柔遠冀德化百年槃敦要

難恃木蘭回憶

鼎湖痛中外臣民切深恥君才傑出

正有用感

恩况復懷桑梓願君抑塞持定力堅抱葵

心貫終始指揮白羽埽邊氛他日書名壓青史

六月送科試借寓蘭卿太守別墅賦柬主人

冷官天許樂癡頑忙裏居然箸得閒六月早涼依竹樹  
一樓新淥飲湖山道南分宅情何古廡下傭春力本孱  
檢點吟箋安筆研猶餘結習苦難刪

夜坐

下帷閒客散燈火耿黃昏獨坐親書卷微酣閣酒尊月  
涼秋影薄花定夜香溫小倦還敲枕家山役夢魂



樓中曉望

風荷轉側露珠殘  
曉色空濛水氣寒  
驅鷺未醒花似夢  
卷簾樓上有人看

東曠局楊萼樓參軍

輝陳建侯茂才

錢

菁華苦竭礦苗孱  
國計難供九府圓  
那得冥中卅鑪火  
盡開天外五丁山  
揮金偶買貧兒笑  
愛寶誰醫富媪慳  
豔說當年豪侈事  
盛衰物理有循環

鉅廠爭傳卅八區  
昔何豐苑近何枯  
闍人剔髓曾騷擾  
鬼伯垂涎又覬覦  
已許羣工施斧鑿  
尙愁孤注等樗蒲

盈虛酌劑公私益  
借箸能操勝算無

園中雜詠再柬主人

日涉園林得趣長  
登樓最好看斜陽  
蜀葵花與新胡蝶  
一色茸茸似繭黃

秋海棠開老瓦盆  
晚涼庭院月黃昏  
何曾惆悵關兒女  
相對無言欲斷魂  
白白紅紅滿徑生  
草花瑣細不知名  
幽香自悶無人覺  
一院遊蜂喧午晴  
牆裏蕭蕭竹樹疏  
一泓古井隔牆隅  
寒泉供得千家汲



夜靜猶聞響鹿盧  
鹿眼疏籬閉竹扉  
園丁日暮荷鋤歸  
土膏更飽連宵雨  
瓜蔓升牆豆莢肥  
草芥無踪不映香  
自閨無人覺  
幾稜腴田似水鄉  
鳴蟬聲裏稻花香  
家書共盼秋成早  
西北今傳米價昂  
手版堂參夜嚮晨  
疏慵時怕長官  
曠班行碌碌吾何有  
署考先輸廿九人  
幾日粗刪目宿盤  
束脩羊瘦且加餐  
賓朋文酒無虛夕  
誰信先生是冷官

夢裏羅浮畫未能  
敲斜蛇蚓自生憎  
嗜痴翻訝人間夥  
日潑險麋瀧刻藤

橫安一榻小行窩  
紙帳孤眠客裏多  
埽盡風華味禪悅  
前身知是病維摩

試畢門生載酒來  
簿書收拾好懷開  
何妨憂樂談天下  
小范當年是秀才

敢同傳舍等閒看  
花竹依依別亦難  
他日登樓應憶我  
月明吹笛倚闌干

東海聞法夷奪踞臺灣雞籠礮臺感憤有作



象郡正愁甌脫壞雞籠又失礮臺高射潮往事空强弩

橫海威名盼大刀劉提軍銘傳督辦臺防和戰廟堂方水火悲歌

天地盡風濤棄繻請劍都無分落日登樓首重搔

退山子材昆季攜小兒女於近華浦餞別訓退山

來赴湖樓餞別筵感君兄弟意纏綿香吹秔稻雲連野

漲沒蒹葭水拍天獨客一開愁裏日全家都上畫中船

潁濱幾日還東去烏帽黃塵意惘然

濁酒應澆塊磊平湖山今昔感縱橫長風誰見騰金馬

駭浪猶防動石鯨未話滄桑先制淚卽看兒女詎忘情

尊前此會真須惜喋血東南又苦兵

秋感東子材四首

裕衣幾日要裝棉八月寒深值閏年閏五月壺隱何官炊

贅附帖瞻有父感華顛雁書天闊遲無準蟲語宵闌絮

可憐惆悵湖隄侵曉過芙蓉臨水一枝妍

露布何能草據鞍百年文獻沉叢殘虛聲誤采顏之厚

謠詠紛乘膽亦寒鬼責誰矜修史易親存自覺受恩難

駑駘已分鹽車老感激孫陽拂拭看大府檄襄戎幕纂志書歸省心急俱

高湖屯營詩集卷十

三

三

三

三



未能  
應也

酒杯流影月娟娟客邸中秋又二年修到瓊樓須借斧  
隔來銀漢不通船清時敢賦無家別好夢難成永夜圓  
高處生寒低處隘憑虛安見著神仙  
朋遊聚散似風帆訟過憑誰立史監蓮子有心分苦澀  
菜根知味喻酸鹹送人作郡愁成例無佛稱尊語落凡  
每憶栖栖杜陵老只將身世託長鑱

九日蘭卿招同郭焜垣太守

懷禮

伯瞻叔儀詠芝

昆季樂莘克齋登螺峯山歸飲於集翠軒酒後

有作

陟山北走還趨東再伏再起爲螺峯峩峩百雉劃不斷  
青蒼一氣連城中巉巖突兀角虎豹陰洞晦昧潛蛟龍  
碧城十二盛樓閣領以巨剎標圓通自唐越宋迄昭代  
坐閱變幻如沙蟲頗聞重九蠟遊屐奔走釵弁喧兒童  
我生性僻畏囂雜甘如病鳥羈樊籠陳侯好事勗一出  
一客前導羣賢從披榛剔蘚取別徑直登絕頂凌穹隆  
經旬積雨快新霽松檜謾謾吟天風平楚俯瞰四無際  
白雁唳入寒煙空遊人來往信紛沓如蟻旋磨後梯幢



民生幸樂無事日萬家屋瓦魚鱗重驚心詫見蜃樓  
異族逼處憂伏戎蚩蚩安識腹心疾菩薩慧眼能無恫  
青天搔首不可問欲去戀此斜陽紅小園半畝近堪涉  
主人置酒聊從容高林霜重葉脫盡惟有籬菊敲疏叢  
無言相對慰岑寂泥飲那惜傾千鍾酒闌聽客話往事  
勳名赫煜文章工貴溪斷碣久滅沒蛟臺誰識孫髯翁  
名山歲月靳把玩仙蜨飛去茫無蹤吾儕腰腳及強健  
五嶽行矣措吟筇

送朱經田孝廉

家寶歸甯州

絕交論自朱公叔我愧文孫眼獨清流俗毀譽原鮮據  
古人風義或忘形籥雲難繼神駒足立月空梳病鶴翎  
戴笠乘車衰世語芝蘭相悅蔚芳馨  
離亭風笛不堪聞襟抱從容與細論千里但餘心可證  
百年安在手無分濯纓清掬潭西水撰杖閒看嶺上雲  
宏濟艱難儒者事韋編孳索重期君

十月望日約西農叔儀再爲安甯溫泉之遊出城

偶作時叔儀至自上海

溫泉苦繫三年夢興發朝來不可刪有客初歸黃歇浦



清遊重出碧雞關最難散雪還團雪那得看山便買山  
一勺澄融應似故媿他猶爲洗塵顏

冬夜草家書後

朔風摧葉感蕭森梅蕊離離自滿林半夜月寒花氣斂  
六街霜重榜聲沈殘燈對影清愁起濁酒無言妙理深  
聊寄平安裁錦字消磨未盡只鄉心

無題四首

臨水闌干一桁斜垂楊深護莫愁家雲移月魄窺青鏡  
風裊煙魂障碧紗佯病有時尋藥裏含情無語拜燈花

仙源路近環聲杳怕繫門前白鼻騮  
黃檗丹椒味苦辛荷囊叩叩繫殷勤清歌移燭迴廊雨  
薄醉開奩古鏡春題帕只應狂任我卷簾那覺妬無人  
閑情影事依稀記併與陳王賦洛神  
滴粉搓酥總費才自然標格住瑤臺麻姑爪甲無塵翳  
謝媛衣裳是雪裁藉草柔情胡蝶嬾隔花小語燕鶯猜  
赤闌橋下驚鴻影春水泆泆去不回

湘簾落索五更風斷枕梨雲曉夢空北渚幽蘭愁渺渺  
南園芳草別悠悠檀槽爭按歌三疊石闕難言酒一中



儻汝成仙儂作佛海山兜率住從容

十四日同焜垣蘭卿月軒伯瞻叔儀退山黑龍潭  
看梅信宿而歸爲長歌柬諸君

黑龍潭水龍所家龍偶幻化爲梅花千年一劫龍蛻去  
留此鱗爪紛杈桎仙居帝闕森拱衛龍天供養羞凡葩  
之而橫蟠地輪仄攬擎直上天宇遮骨鍊冰霜屈鏐鐵  
影弄煙月搖窗紗絳綃縞袂龍女下異香鬱烈驅雲車  
我生愛梅舊成癖六年五度門曾擿藏頭見尾苦怱遽  
今來信宿得乃奢藉落枕石共臥起團雲嚼雪芬齒牙

殘冬例困簿領役拂衣一掃空如麻亦如龍性馴未得  
世議肯顧相疵瑕何時買山就龍子種梅半畝親鋤鴉  
讀書永結歲寒友渴飲花露飢餐霞問龍乞水龍儻許  
雙眸灑洗看橫斜

只合除夕雜感四首

千門爆竹響寒煙綵勝珠花百態鮮顧我影形相贈答  
看人兒女自團圓大難事且拚來日不夜游應讓少年  
料理寒衾早尋睡白雲親舍夢周旋

百首詩能幾首存一年辛苦悅吟魂紫檀香繞琅函碧



紅燭光搖歲酒溫腰折何妨陶處士心歐聊慰李王孫  
東鄰媚竈方騰笑作甚生涯靜掩門

青氈坐冷六年來風味依然一秀才疏嬾何心緣捷徑  
飛騰幾輩上強臺沐猴冠蓋渾如戲相馬驪黃總浪猜  
只合尋花攜酒去黑龍潭上有梅開

臘鼓翻驚戰鼓聲籜籬搶攘盼銷兵不知何處黃龍飲  
已誤連番白馬盟餉土重勞頌內帑擒王誰誓請長纓  
越裳翡翠傷心句杜老憂時淚暗傾

向湖邨舍詩初集卷十一

向湖邨舍詩初集卷十一

劍川 趙藩 樾邨

乙酉

人日初度蘭卿太守研臣刺史伯瞻明府叔儀大

令詠芝參軍昆季董執中州司馬潘蔭庭朱治

欽兩少尹退山學博陳建侯張紫琳兩茂才飲

我於執中之野竹書屋醉後成詩博諸君子笑

噓

三十虛生又五年我甯與我自周旋風雲鬱勃填胃氣



花鳥消除入夢緣不信五窮真其命已拚一第阻登天  
銜杯忽下思親淚日斷寒山落照邊

梅花清瘦茶花豔董奉園亭半畝鄰公讌重勞新舊雨  
曠懷同寫古今春中原麟鳳誰張網浩劫蟲沙我有身  
甚欲醉鄉容穩住東南此日正風塵

讀史雜感四首

獻雉歸懷古貉龍

聖朝聲教本來同

越南俗虎

字虛監國奇鬼巴黎誤款戎滇粵近憂脣齒外漢唐原  
隸職方中誰憐思好奇男子獨領鴉軍控角弓

閩外機宐失變通檻車徐勣又唐蒙投鞭已誤爭先著  
空壁誰當殿後雄騎省久談橫海畧舞陰曾小伏波功  
富良江水春來漲知是桃花是血紅

輸將悉索走駢車河上逍遙歲月奢胡賈如逢都載寶  
匈奴未滅何爲家令公喜怒言之罪爾士睢盱聽勿譁  
六詔遺民創痛劇忍敲皮骨委泥沙

十載愁聞野哭聲眼中旌旆又鮮明越王臺下樓船燼  
箕子遺封杞棘生殷浩只宜高閣束王尼何處露車行  
美人醕酒醅醕臥苦語傷心話不成



後惆悵詞四首

何從浪迹問東西空際春雲枉憶泥苦李漫留青子在  
垂楊無那白花迷虎賁貌豈維邕肖犬子名爭慕蘭題  
好事偏他勞物色攜柑三請有黃鸝

隔著雲屏譜六么秦青弜索小紅簫縵山再見人騎鶴  
酒肆何辭客換貂入世聰明原慧業逢場歡愛總愁苗  
下階剗襪看眉月碧海青天鎮寂寥

一重簾影一重波小院遲遲日午過開落自憑花歎息  
悲歡都付酒消磨春風吹水干卿甚飛絮沾泥柰子何

混沌著眉殊不稱畫籤拚賸幾丸螺

說夢癡人莫認真觀空一笑懺前因言愁儻許流連物  
學道猶餘戒律身檀篆模糊盟海岳桂堂清冷怨星辰  
武陵再到桃花盡不解漁郎苦問津

御龍寺看牡丹同焜垣蘭卿兩太守時焜垣改調  
黎平蘭卿將歸山陰余亦作歸計矣

曉雨招提浥輭塵攜壺來看鼠姑新此花原冠眾香國  
與佛同參妙色身初地樓臺無等級諸天龍象有精神  
不辭泥飲杯行數都是昆池偶聚人



楊榆邨秀才 應選 為寫漁隱圖醉後自書二律

鏡裏模糊偶見身了無歡笑了無瞋由來蕭育稱男子  
未信張良似婦人瓊海風流歸笠屐磻溪生世託竿綸  
不圖卿相圖漁隱畫筆憐君亦苦貧

江河誰與挽滔滔對酒看雲白日高忠義要須填骨髓  
文章難免露皮毛時名頗媿傳三絕醉語無心侮二豪  
怕署頭銜驚俗眼曾經滄海狎靈鼈

岑彥卿制府 毓英 書來述官軍大破法夷於越南

之臨洮府斬馘甚多喜摭書中情事草六絕句

露布飛來喜欲狂出關此戰最堂堂投籤 秘殿 天

顏喜吹角連營士氣揚

快槍如雨礮開花瓊笠猩紅爛曉霞直搗中堅擒上將

頭顱斫取大如瓜

澗絕原頭牧馬羣寶刀光射七星文鏡歌可有邊兒唱

又一臨洮又一軍

臺局艱危獨力儋孤軍制勝震交南姓名中外看傳遍

豔說劉覃兩省三 劉撫軍銘傳覃總鎮修綱皆字省三

楊業與屍 楊提軍玉科 屬國存 蘇提軍元春 鎮南關外陣雲昏聞



徵大樹將軍出

馮提軍子材

可竭心肝報至尊

督師盡瘁秉天戈  
矍鑠何慚馬伏波  
誓埽鯨鯢靖藩服  
宵教銅柱獨嵯峨

過大理晤豹君送至上關抵足夜譚臨別有贈

邊亭飛羽急懷抱  
鬱難舒知子應相諒  
憐予久乏書春愁  
替天地歸興迫樵漁  
翦盡龍關燭離情  
寫得無

初嘗婚宦味可有  
激昂身四海方多事  
一家安計貧著書  
才苦早止酒勇如神  
勉獻江都策  
朝廷百度新

三月二十二日抵家述懷二首

繞閣溪山似昔深  
雲歸雲去總無心  
采蘭重戀循陔樂  
對榻還爲聽雨吟  
粗喜兒童知揖讓  
倦聞賓客話升沈  
招提近報多新構  
布襪青鞵取次尋  
幾年游倦一歸來  
幸免題橋俗眼猜  
宿草又添思舊賦  
晚花猶趁餞春杯  
但求邊徼安無事  
耐可寒氈養不才  
一角小樓書插架  
閉門長覺好懷開

四月十三日至滿賢林

浪迹三年久山靈儻我思  
層樓穿樹出幽澗  
落花遲行雨龍何嬾  
時苦旱譚禪石不癡  
惜無陳正字  
淪茗共裁詩



憶陳丈  
復菴

宿北關

晚煙隱林壑破屋幾家藏補壁莓苔厚分泉竹筧長松  
風入琴韻蘿月挂衣涼坐久還開卷塵機已淡忘

蘊丈作傷別行一篇宛轉淒豔余自戊辰至今與  
丈入離合矣讀之惘惘輒和此章

我將別君不忍說君先示我傷別行顛倒摺疊方寸紙  
中間乃有蒼茫萬古之離情離情欲絕驪歌起桂樹應  
枯蟾兔死哀音怨亂楚騷心比興深微國風指古之懷

抱傷心人不信如今吾與子辱君交忘年經今十八載  
就中入離合我亦朱顏改合輒欣然離倍愁隻影瑩瑩  
萬人海山川有情限扁闌舟車無情苦催別楊花辭樹  
化浮萍萍逐東流水嗚咽水嗚咽春芳歇搔首仰天見  
明月月不常圓圓又闕月圓月闕可柰何照君肝膽明  
如雪吁嗟乎肝膽皎潔臭味芬呦呦何必麋鹿羣韓孟  
上下龍與雲精神不做形可分無那驪歌入耳酸難聞  
請君傷別之行爲我焚

七月初六日言歸劍川諸知好送至郊外皆不勝



情因憶去年別子材同年離緒正復類此感賦  
一詩當并寄子材於章江也

故人宋二昔有句多一良晤多離憂憂端卽自樂時伏  
蠶繭自縛絲還抽雪山舊雨久離索一面何幸經年謀  
諸君亦復樂我至彌月文酒相遮留朝共看山夜說鬼  
園蔬手摘醅新芻此時樂矣何知憂山有麋鹿江鳧驅  
鳧喜拍拍麋呦呦肇山無柰南北峙劃水乃有東西流  
計日欲別心夷猶此時樂矣能無憂柳橋策馬破曉出  
翩翩笠影羅橋頭青絲玉壺重相屬問我何日還來游

鄉園百里咫尺耳宦海誤落嗟梗浮強顏笑語訂後會  
迴腸已逐鞭絲柔驅馬百步一回顧柳邊人立猶凝眸  
亦知聚散等夢幻媿此厚意難爲酬去年昆池別宋二  
黯然豈異今年秋作詩并與寄江右吾輩憂樂何時休

七夕詞

是日抵家

牽牛花下陰蟲啣星河沈沈漾空碧瓜果筵開風露香  
月姊窺人并肩立世人乞巧不乞癡巧縱可乞非儂思  
填橋苦借烏鵲力駭馬不惜兼程馳人間天上癡同絕  
不是癡人巧不得君不見雲錦燦爛七襄機文彩風流



五色筆

重九日感懷四首

蓼溼蘋洲界白沙向湖邨是老漁家不成游伴赤松子  
且復歸看黃菊花一介微生原蟣蝨百年吾道信龍蛇  
杞憂獨抱無人解怕聽高城咽暮笳

蕭寥一氣逼西風邊訊何堪問塞鴻獻雉尙懷周德古  
冷麋虛指漢圖空已窮割地囊中智忍冒貪天紙上功  
忘卻樊籬衛門戶老罷當道若爲雄

巖疆百里兩重關洱海屠鯨血尙斑民氣甫蘇征戰後

戎心易伏宴安間狐鳴篝火真如戲鹿挺焚林莫憚艱  
好是 聖朝聲教遠風雲常護點蒼山

滇池黑刼冷餘灰河嶽英靈儻一開歎老嗟卑非俊物  
求田問舍也奇才誰從天下先憂樂自合人間獨往來  
試向層巒揩醉眼夕陽無際好樓臺

哭陳三芝生

芝生名虞昌蒙化諸生以縣丞需次粵西光緒  
甲申冬岑彥卿制府檄調至越南軍幕薦擢州  
同乙酉春暮奉撤入關病瘴卒於蒙自君舊與



尚湖屯舍詩集  
余皆在鍾觀察幕裏事有年重君倜儻負志節  
不謂其遽已於此也觀察書來述之絕痛開函  
隕涕爲小詩以抒余哀

一別成千古書來欲斷腸果然青草瘴殲我白眉良文  
史三冬業風雲百戰場平生形影共回首怕思量

篇章困奇士簿領縛微官龍性馴何易牛心啖已殘孔  
璋須草檄貢禹笑彈冠誰料蒼蒼志公卿造命難

旅匱行當返鶴原風雨寒可知荆樹淚應對桂花彈哲

繪山選貢扶輿赴省蠹莫楹書飽鸞真寶鏡單戲言驚  
并應鄉舉聞已獲雋

詛讖壙碣幾時刊

廿四史包羅籌邊古若何由來和議誤那不臯言多孤

憤薶殘藁奇才委逝波撫時兼感舊熱淚瀉秋河越事起君

與余書籌及和戰  
往復各數千言

蘊丈以詩集命校因撫其尤者百餘篇擬異時爲

梓行之坵題一詩以當息壤

雪樓馬布衣清絕沁亭桑文學奇涵萬牛廣矜嚴并一

時能集眾長行我法況經多難寓微詞笑談幾見熊羆

卻志趣何曾燕雀知細擷陽春三百首他年歌付郢中



兒

大府續修省志檄徵采訪邑侯屬董其事書戎事  
至同治戊辰之役感愴家難爲詩四章示諸同  
事

干羣回馬飲滇池忍見三迤蔓草滋  
止沸抽薪兵有法  
傳書九蠟鬼無知覆巢奔命疲強寇  
諸路同仇出義師  
一著閒棊關大局樵夫叉手看多時

喧呼殺賊夜將闌礮火轟天畫角殘  
刀下血噴心尙趨  
枕中雷震膽先寒敢忘伏臘遵周正  
又喜威儀覩漢官

遺恨藁街寬二豎遠人無術就招安

斗大孤城又合圍金華秋色冷旌旂  
饑黎饋餉塵生甑  
壯士椎營血浣衣浩劫尙容封豕突  
徵援久斷紙鴛飛  
端陽相賀重陽弔歌哭難窮物理微

咸籍從游舊竹林雄才大節渺難尋  
丈夫冢邱全家死  
父老應原百世心俎豆恩隆常胖饗  
旃檀香烈不銷沈  
欲書往事腸先斷况聽霜天寡鵠吟

出門 十一月初十日

恐負羣公國士知青氈已分老茅茨  
浮名誤我貧滋甚



明發懷人出每遲風雪寒輕初戒酒江山游倦欲拋詩  
不言心事妻孥解笑問歸田定幾時

瀕行示壽湘二弟

江魚作隊雁成行兄弟無多別亦傷娶婦可令移孺慕  
從師何止肄詞章每驚秋駕三年促好守冬烘萬卷藏  
風雨良宵吾羨汝一鐙書味話連牀

李蘊丈屬題畫幀四首

渡江第一流出處係天下夷險中不驚裙屐亦儒雅不  
見會都亭倒持手版者

謝太傅安

高詠荆軻詩此豈田舍翁栗里卽桃源解人索無從黃

花殊可憐昵我秋籬東

陶徵士潛

才奇數亦奇彎弧此猿臂旣阨大將軍復瞋灞陵尉月

黑藍田山偃鬼乃相避

李將軍廣

淮南講丹訣畢竟成仙否從容太平日此中宜飲酒東

平與河間如逢應寫首

汝陽王璉

畫梅雜題

滿身風雪拜花前解拜梅花不礙顛玉立亭亭好標格  
不知花外有誰憐



高海曲會詩集  
逃禪老人楊補之疏疏落落自欵奇夜來忽入孤山夢  
風雪吹香滿研池

黑龍潭上唐時樹無數繁枝照水開紅笠青衫人見慣  
年年風雪看花來

歷落嶽崎不入時歲寒風雪自禁持折來欲贈無人贈  
付與仙娥笛裏吹

瘦減仙姿不減香冰肌斜曳薄羅裳月明夢到還山路  
雙鶴迎人出草堂

除夕行次鎮甯口占四絕句

石氣陰森慘不春泥塗跋涉半衣鶉易烏自是無私照  
嗟爾幽棲味谷人

觸目琳琅可柰寒冰花霧凙滿巖巒黔山樹介尋常事  
莫漫中朝嚇達官

江山如此苦無詩可惜銀河萬古垂忘是歲除忘是客  
犀牛潭上立多時

西抹東塗字幾行阿婆猶記少年狂爾來結習消磨盡  
祇畫鑪灰不浣牆







然橫陳屏几榻置而弗攷鐘鼓祝瑤草久枯田罷耕斧  
柯已爛碁留局侔形揣稱會以意不問而知十五六鎮  
思勇往窮底蘊瑯嬛倘有書堪讀我行方逞僧卻立雷  
鳴旬旬轉坤軸伏流洶洶舞蛟鱷溼壁蠕蠕走蛇蝮陰  
風奪戶出不得吹火欲滅火慘綠掉頭拉僧一大笑我  
秉僧炬僧我逐出洞仰天豁如夢僧噤不語容有願禪  
房啜茗洗鞞襪諦視留題句相屬侈陳古佛力闢奧浪  
說真仙居聚族文人張皇喜傳會何異闍黎譚罪福造  
化無心偶遊戲播弄賢愚駭心目仙佛縱有豈戀此陰

疑於陽巧剗樸漫書所見擲筆去迷陽卻曲防傷足

黔行二十日雨雪寒甚戲草家書後

紂絕陰天寒至此須菩提語意云何煙蘊雪屋鑪無燄  
風凍冰壺酒不波我惜蠶絲僵自吐誰哀馬背腫猶馱  
石頭路仄黃泥滑笑試終南吉莫鞞

綠幕紅窗澗埽除最宜臘尾與春初鷓班香煨篝衣坐  
螺墨光浮炙研書每出動嗟行萬里幾時歸共惜三餘  
郵籤戲問修梅閣修到梅花恐不如

雪後橫舟晚望



突兀古雲根條條繫纜痕沙虛湍齧岸煙溼樹蕤邨暝  
落千山色春蘇一雪魂汀洲芳草發去去怨王孫

戲仿韓冬郎香奩體七律四首

月地雲廊悄護春亭亭獨立掌中身偶吟桺絮窺才思  
祇許菱花識笑顰吹笛何因來下界浣紗翻欲避東鄰  
愛河一霎風波定永作情天頂禮人

風騷微旨正而葩好事流傳語特夸海外量珠輸石尉  
雪中烹茗豔陶家忘情未信儕枯木大願還同護落花  
十九寓言誰解得勞他鳥爪妙搔爬

胡麻飯飽齒牙香記得天台是壻鄉修竹闌干花院落  
黃金屈戍玉丁當何曾號國疏秦國遮莫劉郎妒阮郎  
枉費海沈燒子夜璇宮無譜授霓裳  
羅浮離合動經年舊愁樓羅記未全九命自封花眷屬  
三生難問石因緣愁看脈脈無情水妄想綿綿不曙天  
合被淮南嘲葛鮑舐丹雞犬盡能仙

自巴陵至

舟中雜詩八首

洞庭湖中風雨晴早潮已落暮潮生娟娟一片蛾眉月  
中有春閨萬里情



三十六鱗紅鯉魚買來欲寄一封書金沙併匯瞿塘水  
可得乘潮達做廬

岳陽樓上多題句自買紗籠自障塵齒冷千秋窮措大  
杜陵野老孟山人

蘭荃默寓黍離哀忠愛都源小雅來奴僕命騷真調語  
有人祇說鬼仙才

煙消赤壁長莓落江抱嘉魚滾滾來閒倚篷窗看形勝  
野驅飛上祭風臺

可惜奇才際勝朝思陵欲召鼎湖遙滄桑劫後遺文冷

誰識吾鄉葛見堯

三十年中兩劫灰高樓黃鶴不飛回仙人縱有梅花曲  
莫向江城笛裏吹

片瓦難尋銅雀臺西陵望祭總疑猜年年鸚武洲邊草  
綠到禰衡冢上來

落第將歸小集龍樹寺贈吳列其同年

經田豹君

十年坎壈士不進一夜新霜上青鬢我安瓠落固其宜  
子困箕張詎非命風雲莽蕩來 皇都賃屋就子城中



居王郎對榻喜繼至朱生踏月時相呼狂飈無那吹花  
落人海中邊無處著蒹葭搖綠西山青祇有此間睨空  
闊用才之地才不施酒闌忽動江湖思湘清瀟碧匯雲  
夢演漾屈宋煩冤詞送子遄歸吾亦逝頗念朱王暫留  
滯雨別風流自古今蠖屈龍伸付天地于思棄甲儻復  
來媿子巧語相嘲諉夢中蟻國不易到一醉且枕南柯  
槐

自題金畫梅筆贈別其同年  
稜稜鐵石心豔豔冰雪質孤根厚自盤天秀謝雕飾春

風爲誰來桃李亂真色可憐英瓊瑤吹落雜草棘心知  
和鼎飛青黃有佳實美人念遲暮歲月苦相逼金丹儻  
駐顏藻績難爲力拚爲桃李吹把筆三太息

五月望日自津門航海達滬上寄懷經田豹君

衣上緇塵又去燕析津來上火輪船垂楊幾日繅絲老  
大月連宵碾鏡圓萬怪魚龍如此水一家胡越柰何天  
風濤飽試先生膽不復掀翻損食眠  
北望京華念故人朱王才調并峻峭剖符此去神明宰  
珥筆何時侍從臣可耐隨班投手版劇憐偕計困頭巾



劬書強飯相珍重愛惜榮名愛惜身

情深臨別轉無辭此語何堪我讀之白酒澆愁非易事  
青衫搵淚已多時縱饒鼎鼎公卿貴鎮惜堂堂歲月馳  
他日蒹葭移上醉伊人宛在可相思

熱場冷坐我猶能難得論心膾友朋失水窮魚相煦沫  
行空天馬待超騰故山苛政平林火客邸風懷古井冰  
無限牢愁書拉雜半江剪得寄溪藤

六月十五日刻其自鄂歸湘別後爲八絕句寄之  
淚眼看花不當春國門東去黯傷神潞河一派無情水

送過番番下第人

海上當頭好月來三山何處有樓臺仙官近不譚文字

柰爾元虛作賦才

黃浦江空夜落潮吳孃低唱雨瀟瀟彩雲飛去朱顏老

一醉青樓意也消

晴川閣下久維舟作劇無端怨石尤細數郵籤檢書札

挑燈擁髻有人愁

刻其書約歸期屢  
爲風阻故戲調之

五嶽平生欠一登衡山有約共扶藤道緣終淺塵緣重  
响屨捫碑憾未能



相知誰許定吾文並世居然得子雲何必災梨苦多事  
惹他毀譽日紛紛

許摘園花玉一枝三年後約踐無遲深紅淺綠春難管  
怕入湖州小杜詩

離堂翦盡燭煤灰江上萍蹤浪打開我有奇愁何地寫  
夢中期子定王臺

武陵溯溪而上舟次抒懷同陸子清彭芷菴作

難起湘纍話古愁洞庭西湖五溪頭天慳猛雨淹殘暑  
帆飽顛風拘急流一夜鄉心敲枕笛十年人事上灘舟

等閒輸與漁樵偶生計粗完漫遠游

閒愁十二首

雲母屏風水一層月華滿榻早吹鐙酒醒知在春申浦  
無復清歌唱采菱

水月精神玉雪光細裁雲錦織衣裳生來不識閑脂粉  
莫誤人間學淡妝

靄靄晴雲裊碧空勝他花底活秦宮劉郎心折祁生妬  
淡掃雙蛾出鏡中

鼠鬚鶴眼盡精良捲袖金彊照墨光爲向冰紈寫宜稱



背人臨得十三行

萬荷花裏葉舟行知待瑯邪打槳迎瞞過鴛鴦三十六

鷺鷥偷眼覷分明

高樓四敞暑初微風馬雲車一霎飛樓上花枝樓外月

泥人茶話坐忘歸

枇杷花落閉青樓鸚武呼茶爲小留爭信蕭郎不腸斷

斑驩臨去亦回頭

舊日門庭姊妹新依然翦燭想留髡夫容豔落秋江冷

憐汝同爲失意人

韻冷青桐尾已焦幽蘭生恐被霜凋誰家十二金釵隊

著取薰香護早朝

照人歡笑照人愁明月無心又滿樓欲覓常娥問消息

九天風露不宜秋

秋聲都上四條弜璧月當花分外圓依舊闌干紅曲彙

更無人倚似當年

懺悔司勳薄倖名沾泥禪絮比風情吳篷臥聽瀟瀟雨

無那閑愁一夕生

晚泊黔陽登芙蓉樓



楊花落盡感嗚鴉秋老芙蓉泣暮煙才子謫官令地重  
高樓送客與詩傳旗亭憶賭雙鬟酒江郭閒停獨樹船  
等是中年倦遊者莫將吟眺負山川

雨夜

剛繫扁舟傍水邨四山飛雨颯黃昏力憑雷電排空送  
響雜風湍徹夜喧半榻新涼迴竹簟一星幽火失柴門  
曉晴枕上聞人語漲沒磯頭舊纜痕

濞溪雜詠訓諸同鄉

步步危灘苦怒張沅溪行盡濞溪長月明更就楓林泊

不待聞猿已斷腸

雨餘新漲刷黃泥依舊寒流碧一溪野店停橈問沽酒

斜陽滿樹鶉鴉嘯

薜荔牆環橘柚邨羨他耕釣古風存故鄉聞道輸軍粟

夜下官符吏打門

時間滇中  
開米捐

鬢鬢老柳繫漁槎半臂禁寒立淺沙想得南湖煙雨裏

一秋開過水蒹花

中秋夜鎮遠寓樓感今思昔率爾成篇

高樓月照寒溪水樓上憑欄吾眼明夢滿關山同瘦影



風回草樹變秋聲矮檐懷舊凋仙侶

乙亥同歲生逝者廿餘人矣玉

宇間歌隔帝京

丙子丁丑庚辰中秋皆在京寓

驀憶吳淞冶遊事車

雷花外走三更

癸未在滬瀆與利其豹君潛溪潤泉出遊達旦

西林渡阻漲

秋潦雨餘狂湧赤寒林霜後漸凋黃舟隨浪駛輕於葉

石與人爭作有芒豈爲空侯歌返駕從知几席戒垂堂

深思忽悟乘除理記得東溟一葦航

續遊仙詩四首

柯爛方驚不少年恩仇一映化雲煙春寒睡覺崑侖頂

忽見心光混沌前

漫天花雨落扶桑午夜無風竟體涼叱起驪龍弄明月

東南海水綠茫茫

海外思窮大九州書來穆滿訂豪遊天閑短盡飛黃氣

百丈螺舟駕翠虬

月底骷髏色死灰拚將百拜脫凡胎只愁清淺銀河水

那够仙姨洗髓來

九日楊松道中

普安廳屬

騷人例爲重陽感況我征途乏好懷百里鄉心先雁過



萬山秋氣帶鴉來偶然破帽因風落那有清尊對菊開  
遙想故園兄弟會旅程無定費尋猜

題貴筑陳衡山自寫梧月山館圖

涼月在地不在天虛庭梧影浮秋煙秋煙散入空濛裏  
月故在天還在水水環小檻山當門城隅幽絕如孤邨  
德星聚映讀書牖居者太邱賢子孫草根絡緯唬金井  
秋夢萬家酣未醒尋詩踏葉下空階只有銀蟾伴清冷  
互相師友諸昆季第五之名齊驃騎想應胸次耿絕俗  
卽看筆底秋無際洗桐初罷披涼颺故山我亦縈秋思

將詩換畫君儻肖貌我小樓橫笛時

錢南園侍御杜少陵垂鞭鞞鞞圖

杜公賦馬詩壇宗錢公畫馬瘦益工兩公冥契萃尺幅  
楮墨黯淡精神通白帝城東拓平野杜公騎馬真健者  
垂鞭鞞鞞恍在目錢公畫人參畫馬馬能做儻人權奇  
雲散滿身風入蹶藏身儒冠氣豪橫去聲柰何驥足加羈  
羈錢公作駒已汗血滇池早貢飛黃列天閑奮鬣矢馳  
驅棧豆低頭羞蹇劣仗中一鳴萬馬啞攬轡出郊時淚  
灑千古剛腸憂國人搖筆寫翁原自寫我看此畫心顏



推杜公錢公安在哉銀鞍錦帕遍紫陌紛紛紈袴乘駑  
駘

十一月初五日諸生邀飲於大龍泉爲詩一篇示  
之

易門城西大龍湫昔偕蠟屐成梅叔與劉芝圃星霜六

度隔存及載酒復共諸生遊出城越陌還經邛曉日漠  
漠風颼颼初尋鐘聲入古寺更攀石窟憑危樓小亭臨  
水水花碧登降億矣聊且休高崖巨壁寒煙收亭午日  
色林端浮松杉蒼翠楓葉赤畫本爛若披唐仇春迴酒

面渾不覺四座紅映玻璃甌皆言二月賽龍伯士女麇  
集陳歌謳胷中靜躁異喧寂妙契畢竟宜清幽空山歲  
宴解賞此嗟二三子真吾儔抗顏講學吾滋羞卽水可  
喻違他求文章事業要有本厚所蓄者昌其流盛年我  
亦抱微尙蹉跎一擲隨驚漚鬢鬢照影鬢已茁他日建  
樹知能不此間題句新都留可重豈獨才華優後生努  
力希前修詩以言志相獻酬摩崖不用煩雕鏤

城西觀音寺大山茶樹亂後僅餘一枝花猶繁盛  
與王紀堂司諭往觀感賦長律



煙寺山茶異盛時老僧應笑客來癡樹經摧折無全榦  
花聚精神開一枝杯底流霞驚化酒囊中古錦費裁詩  
要看香國中與日憑仗空王與護持  
蘇映哀陳綱  
綱易門人有膽力讀書知大義憤吳三桂懷異  
志欲圖之會三桂率黨過易門綱伏礮狙擊折  
其輦其輦三桂怒索不得揚言族綱家綱乃慷慨  
出就執三桂惜其勇欲用之綱大罵不爲屈三  
桂卒不忍殺綱拘於獄守以八將八將防其逸

鳩殺之余讀易門志得其事哀之以詩

一礮灰吳淠西南巨患空天心方稔惡人力總無功怨

魄楊娥曲飛花酒市風可憐奇女子遺恨共英雄

楊娥事見

省志 十二日...

拓邊樓晚眺

太華紫翠滇池白城上高樓倚夕陽振臂南來誰拓地  
側身西望獨懷鄉空傳貢象通蠻徼只見飛鴉過女牆  
歲宴天寒北風勁怕吹笳管益蒼涼

碧嶢漁舍



屋後碧嶢山門外昆池水蕭蕭四壁風老屋蒹葭裏

微雨開桃花紅對春山笑呼兒曬蓑衣花邊有殘照

詩人郭十三

舟屋老人

此間曾泛宅吟魂如可招權歌秋月

白

我家劍湖曲對此憶湖邨散髮何當去繫船楊柳根

十二月十九日爲蘇文忠公生日同人置酒集翠

軒禮像賦詩

大義仙人翩然歸帝鄉但見奎宿天上森光芒當時命  
宮苦磨蝎冝信更千百世文苑常稱觴西陂一老舉此

禮弇山制府覃溪學士南北遙相望嗟余生晚不逮見  
耿耿一瓣同心香前年赤壁俯棲鶴弔公遷謫浮輕航  
紫裘腰笛之客渺何處如聞鶴南飛曲風裏猶悠揚今  
年羣海結吟社勝侶不數秦晁張置酒爲公作生日趨  
拜遺像招由房金綫魚肥糝羹滑銅鑪華燭屏幃光瞻  
公天人姿醕公冰雪腸公心豁如見公蹟不待詳生平  
遭逢謫譽一覺春夢耳完此忠孝大節亙古何堂堂撒  
手悟入佛三昧不貪不壞真金剛可憐俗士但解尊詞  
章卽論藝事誰頡頏道妙所寓能兼長碧雞金馬蟠青



蒼惜哉玉斧輕劃疆繩幽鑿險欠公巨靈手天意乃以  
留待新都楊持較筆力吁已甦我知公神如水在地罔  
不到安見今夕不驂麟鳳來徜徉諸君和歌鏘琳琅酒  
龍詩虎爭騰驤陰雲四合雨雪霧梅花壓簷凍不僵我  
詩澀縮欲寫還復藏修髯落落公在旁

補韋貫宮中曉寒歌

有引

王直方詩話載宋韋貫夢至一宮闕見羣女如  
神仙一人授紙曰此衍波牋也煩賦宮中曉寒  
歌貫詩故不傳漫爲補之

搏桑花外雞嗁劇爛爛明星稀可摘罡風吹雲雲不流  
凍合銀河一痕白碧城十二花冥冥瑣窗夢破千娉婷  
一人起坐偎雲屏五銖衣薄雙臚青彩鸞銜出靈君旨  
催摘明星作棊子攀梯何敢乍迴眸掩袂時還自呵指  
露華冰鞵愁青箔瑤池五見蟠桃開簽名只隸上元籙  
雙成匿笑非仙才下界離宮三十六阿母曾攜侍遊矚  
恩承秘殿氣如蘭寵移永巷肌霏粟金壺炙墨書衍波  
天上人間寒柰何黃昏有約寒篁過清愁爲我寄恆娥  
水邨歸牧便面



莫歌白石爛莫讀項羽傳風雲騰蹕筋力摧老覺扶犁  
計差便戴我雨笠披烟蓑秋江淼淼浮鼻過牛背之穩  
如陂陀不知何地愁風波笛聲轉側松林裏繁星下照  
門前水兒童進酒翁心喜三爵醅陶吾醉矣明日飯牛  
還早起

殘臘得荃弟書知偕從弟謹補博士弟子員喜寄

一詩勗之

歲暮蒼山雪遙知試院寒放誰文筆健念子縕袍單鐘  
鏗金石鷓鴣刷羽翰秀才憂樂志莫讓古人難

刻其同年自湘中寄見懷七絕十四首賦此奉荅

鸚武洲草青浮煙火雲六月紅燒天單舸載子滌湘水  
萬山送我歸南滇歸來岑寂歲云暮中夜不眠惟子故夢  
慳一晤晤亦暫落葉打窗忽驚寤北風吹到瑤華書上  
手徑寸驪龍珠三百九十有二顆夜光奪月輝堂隅干  
金報子亦何有讀書學道盟心久鬢影彈琴對瘦妻陔  
華潔膳依慈母少年獨抱治安策鄉里私之那可得會  
當直排金馬門不應便忘銅駝陌繫余仕隱百無成寒  
瓊冷研飢腸鳴誰家待此覆甌物媿子丹墨矜題評披



沙難覓雙南寶災木真妨人絕倒平生志事未易期便

悔雕蟲嗟已老王郎手版趨黔竹豹君大令復道朱生泣我

蓼經田教習生才困頓天有例任運無勞詹尹卜烏嘯江海

狂瀾多快劍莫斫生蛟鼉雕菰之飯儻可辦子請擊筑

吾當歌

向湖邨舍詩初集卷十二

詩十四首